

Proclamatie Jeugdprins Jelte 1^{ste} en Jeugdprinses Jubien 1^{ste}

Ich, Jeugdprins Jelte de 1^{ste}, bin 10 joar, zit in groep zeve bie juffrouw Kim, zoon van auwt prins Angelo de 1^{ste} en Tanja, breurke van auwt jeugdprinses Sterre de 1^{ste}, trompettist bie MuSjiek en de fanfaar van Sjènne, voetbal in de JO 11-2 bie Alfasport, klum bie Ivy Climbing in Zitterd, en Heerser euver de Moutheuvel,

Ich, Jeugdprinses Jubien de 1^{ste}, bin 10 joar jonk, zit auch in groep zeve bie juffrouw Kim, dochter van auwt prins Frans de 1^{ste} en Cecile, zus van Jan en auwt jeugdprins Pol de 1^{ste}, shanti welp bie Scouting Sjènne, perseunlik assistente van de neuje Deake en Kaploan, lid van het köärke van juf Andrea, Groat-Hertogin euver Genèk, hou van turne en trampoline sjpringe,

make bie dizze bekend en loate uch weite:

Ten eesjte:

Dat veer Prins Pol de 1^{ste}, Prinses Femke de 1^{ste} en Narrin Joyce bedanke veur de geweldige Jeugdkarneval in 2019.

Ten tweede:

Dat veer blie zint dat ozze Narrin Sien meteen joa zei op de vroag of ze ozze Narrin wou zeen. Veer goan d'r mit os drieje unne geweldige vasteloavend van make!

Ten derde:

Dat veer ozze pap en mam wille bedanke dat veer os hubbe op moge geave, en auch oud-burgemeister Beckers dat hea ozze briefkes oet ziene hood heat getrokke.

Ten veerde:

Veurig joar heije veer unne tweeling als Prinses en Narrin. Dit joar hubbe veer weer unne soort tweeling! Sien en ich hubbe dan waal neet dezelfde pap en mam, veer zeen waal op dezelfde daag geboare.

Ten vijfde:

Sjènne vergries, dat zeen veer auch hie aan de Narretempel. Veer wille de karneval dit joar vöäl kleur geave, en haupe dat d'r get kleur blief hange hie in de Narretempel.

Ten zösde:

Dat veer hubbe gezeen dat de Schinöster vloggers zeukt. Zègk Vorst Jos, doa motte veer, zeker mit ozze expertise, toch same oet motte komme?

Ten zevende:

Op karnevals-dinsdig bin ich geboare. Dit joar wear ich op karnevals-mondig 11 joar, en geaf ich een rundje op de nuuj mega-rotonde!

Ten achste:

Dat veer d'r same mit Prins Brian I, zien adjudante Jordy en Romano en de Wieze Road van de Schinöster d'r een sjoan fiëes van goan make.

Ten neugende:

Omdat veer alle drie in groep 7 zitte wurd dat ozze residentie, en beginne én eindige veer vanaaf murge tot en mit karnavals-vriedig edere sjoaldaag mit ein drie-kreftig ALAAF!

Ten tiende:

De heersjappie euver 't Schinösterriek zit bie os alle drie in de familie. Veer bundele 3 joar Prinse- en Prinsesse-ervaring same, en make d'r same unne top-karneval van!

Ten elfde:

Loat de carnaval in Sjènne
noe mer beginne!

want oud of jonk, groot of klein, 't is os allemoal om 't eave,
zolang veer de karneval maar same mit uch moage beleave!

Gegeave vanoet ozze Narretempel op Zondig 19 Januwarie 2020,
sjlete veer aaf mit ein drie-kreftig:

ALAAF! ALAAF! ALAAF!